

**„ელექტროსადგურების თბომექანიკური მოწყობილობების ექსპლუატაციისას
უსაფრთხოების ტექნიკის ზოგადი წესების“ დამტკიცების შესახებ**

პროდუქტის უსაფრთხოებისა და თავისუფალი მიმოქცევის კოდექსის 58-ე მუხლის მე-2 ნაწილის საფუძველზე,

მუხლი 1. დამტკიცდეს თანდართული ელექტროსადგურების თბომექანიკური მოწყობილობების ექსპლუატაციისას უსაფრთხოების ტექნიკის ზოგადი წესები.

მუხლი 2. დადგენილება ამოქმედდეს 2014 წლის პირველი იანვრიდან.

პრემიერ-მინისტრი

ირაკლი ღარიბაშვილი

ელექტროსადგურების თბომექანიკური მოწყობილობების ექსპლუატაციისას
უსაფრთხოების ტექნიკის ზოგადი წესები

კარი I

ზოგადი დებულებები და უსაფრთხოების საერთო წესები

თავი I

ზოგადი დებულებები

მუხლი 1. რეგულირების სფერო

1. უსაფრთხოების ტექნიკის ზოგადი წესები ელექტროსადგურების თბომექანიკური მოწყობილობების ექსპლუატაციისას (შემდგომში – წესები) მოიცავს უსაფრთხოების მოთხოვნებს სამუშაოთა შესრულებისას მოქმედი და სარეკონსტრუქციო ელექტროსადგურების თბომალური, მექანიკური, წყალმომზადების მოწყობილობების, წყალმომარაგების სისტემების მოწყობილობების ექსპლუატაციის, შეკეთების, გაწყობისა და გამოცდის დროს, სათბობ-სატრანსპორტო, საქვაბე, სატურბინო და ქიმიური საამქროების თბური ავტომატიკისა და გაზომვების ჩატარებისას.

2. ყველა საწარმო უფლებამოსილია აწარმოოს შესაბამისი საქმიანობა ისეთი უსაფრთხოების სტანდარტების გამოყენებით, რომელიც არ ეწინააღმდეგება წესებს.

მუხლი 2. გამოყენების სფერო

1. წესები სავალდებულოა პერსონალისათვის, რომელიც დაკავებულია მოქმედი და სარეკონსტრუქციო ელექტროსადგურების საქვაბე-სატურბინო, სათბობ-სატრანსპორტო და ქიმიური საამქროების თბომალოვანი, მექანიკური და წყალმომზადების მოწყობილობების ექსპლუატაციით, შეკეთებით, გაწყობითა და გამოცდით, ასევე თბური ავტომატიკითა და გაზომვებით.

2. ელექტრომოწყობილობა უნდა შეესაბამებოდეს ელექტროდანადგართა მოწყობის წესებს და მათი ექსპლუატაცია უნდა განხორციელდეს ელექტრომოწყობილობების ექსპლუატაციისას ტექნიკური უსაფრთხოების წესების მიხედვით.

3. თბური ავტომატიკის, თბოტექნიკური გაზომვებისა და დაცვის მოწყობილობები უნდა შეესაბამებოდეს და მისი ექსპლუატაცია წარმოებდეს წინამდებარე წესების და ელექტრომოწყობილობების ექსპლუატაციისას ტექნიკური უსაფრთხოების წესების შესაბამისად.

4. საწარმოებისა და ორგანიზაციის ხელმძღვანელობამ უნდა შეიმუშაოს და დაამტკიცოს მუშა-მომსახურეთათვის შრომის დაცვის ინსტრუქციები.

5. ელექტროსადგურების საექსპლუატაციო საწარმოს პასუხისმგებელმა პირებმა (საამქროს ხელმძღვანელებმა) აუცილებელი, ორგანიზაციული და ტექნიკური ღონისძიებების გატარების შედეგად უნდა უზრუნველყონ შრომის უსაფრთხო პირობების შექმნა. ადგილობრივი პირობებიდან გამომდინარე, აუცილებლობის შემთხვევაში, გათვალისწინებული უნდა იქნეს უსაფრთხოების დამატებითი ღონისძიებები, რომლებიც არ ეწინააღმდეგება წინამდებარე წესების მოთხოვნებს.

მუხლი 3. ტერმინთა განმარტება

1. ადმინისტრაციულ-ტექნიკური პერსონალი – ხელმძღვანელები, საამქროსა და უბნის უფროსები, ლაბორატორიებისა და საწარმოს უფროსები, მათი თანაშემწეები, ინჟინრები, ტექნიკოსები, ოსტატები, რომლებიც ეწევიან მოწყობილობათა ექსპლუატაციას და სარემონტო მომსახურებას.

2. მორიგე პერსონალი – პირები, რომლებიც მორიგეობენ ცვლაში და დაშვებული არიან მოწყობილობათა ოპერატიული მართვისათვის და ოპერატიული გადართვისათვის.

3. მოწყობილობის მომსახურება – მოწყობილობების ექსპლუატაცია, შეკეთება, გაწყობა და გამოცდა, აგრეთვე მათზე გაშვება-გამართვის სამუშაოების ჩატარება.

4. თბომექანიკური მოწყობილობა – თბოძალური, მექანიკური და წყალმომზადების მოწყობილობები, ასევე ამ მოწყობილობებზე დაყენებული თბური ავტომატიკისა და თბოტექნიკური გაზომვების ხელსაწყოები.

5. „დასაშვებია“ – აღნიშნავს, რომ წესების პირობები შეიძლება იქნეს გამოყენებული, როგორც გამონაკლისი ადგილობრივი გარემოებების გათვალისწინებით.

მუხლი 4. მოთხოვნები პერსონალის მიმართ

1. ობიექტებზე სამუშაოდ დაიშვებიან პირები, რომლებსაც გააჩნიათ სათანადო ცოდნა შესასრულებელი სამუშაოებისათვის.

2. სამუშაოების წარმოებისას პასუხისმგებელია შემსრულებელი იურიდიული ან ფიზიკური პირი.

3. პირებმა, რომლებიც მიიღებიან სამუშაოზე თბოტექნიკური მოწყობილობების მომსახურებისათვის უნდა გაიარონ წინასწარი სამედიცინო შემოწმება და შემდგომში, საწარმოს მიერ განსაზღვრულ ვადებში, პერიოდული სამედიცინო შემოწმება, დადგენილი წესის შესაბამისად.

4. პირების, რომელთაც არ შესრულებიათ 18 წელი, არ დაიშვებიან მძიმე და მავნე სამუშაოების შესასრულებლად. კერძოდ:

ა) ქვების გაწმენდით სამუშაოებზე;

ბ) საქვებე-სატურბინო და სათბობის მტვერმომზადების საამქროების მოწყობილობების შეკეთებაზე;

გ) აირტურბინული დანადგარების, სათბობის მტვერმომზადებისა და მიწოდების, თბოელექტროსადგურების საქვებე და სატურბინო საამქროების მოწყობილობების ექსპლუატაციაზე;

დ) თბოელექტროსადგურების გამოძი ხელსაწყოებისა და ავტომატიკის მომსახურება-კონტროლზე;

ე) მიწისქვეშა კომუნიკაციების მომსახურებაზე;

ვ) მაიონიზირებელი გამოსხივების ზონაში მოწყობილობათა ექსპლუატაციაზე და შეკეთებაზე;

ზ) გაზოელექტრომედულებაზე;

თ) საქლორატორო მოწყობილობების მომსახურებაზე;

ი) ტვირთამწე მოწყობილობების მომსახურებაზე, მემანქანედ, ჩამმელად (მეჯამბარედ) და სატაკელაჟო სამუშაოებზე;

კ) მაღალი წნევისა და ტემპერატურების ჭურჭლებისა და მილსადენების მომსახურებაზე;

ლ) რენტგენო-გამა დეფექტოსკოპიაზე;

მ) მაღლივ სამუშაოებზე;

ნ) ფეთქებადსაშიში მასალების შენახვაზე, გამოყენებასა და ტრანსპორტირებაზე;

ო) პნევმატური ინსტრუმენტისა და სამშენებლო-სამონტაჟო რევოლვერების გამოყენებაზე;

პ) ღია ვერცხლისწყალთან;

ჟ) სპეციალიზირებული საწყობების მომსახურებაზე, რომლებშიც ინახება საწვავ-საცხები და ფეთქებადსაშიში მასალები, შხამქიმიკატებთან, მჟავებთან, ტუტეებთან, ქლორთან და ქლორის კირთან სამუშაოდ;

რ) მოზარდებისათვის დადგენილ ნორმებზე მეტად მძიმე ტვირთების აწევასა და გადაადგილებაზე.

5. ქალები არ დაიშვებიან საწარმოთა სიით განსაზღვრულ სამუშაოებზე, რომლებიც დაკავშირებულია მძიმე და მავნე სამუშაოების შესრულებასთან, ასევე, იმ სამუშაოებზე, რომლებზეც კანონმდებლობით აკრძალულია ქალთა შრომის გამოყენება.

6. პირებმა, რომლებიც მომსახურებას უწევენ ელექტროსადგურების საამქროების და თბური ქსელების მოწყობილობებს უნდა იცოდნენ და ასრულებდნენ წინამდებარე წესების მოთხოვნებს.

7. მომსახურე პერსონალი აღჭურვილი უნდა იყოს სპეც-ტანსაცმლით და ინდივიდუალური დაცვის საშუალებებით იმგვარად, რომ სპეც-ტანსაცმელი არ უნდა ქმნიდეს მომსახურე პერსონალის ჯანმრთელობის დაზიანების რისკებს.

8. საწარმოს ადმინისტრაციულ-ტექნიკურმა პერსონალმა უნდა შეიმუშაოს სპეც-ტანსაცმლის სავალდებულობისა და უსაფრთხო გამოყენების ინსტრუქცია სხვადასხვა საშიში სამუშაოების შესაბამისად და უზრუნველყოს პერსონალის მიერ მათი ცოდნა.

9. საწარმოს პერსონალი უნდა ფლობდეს მძვინვარების ქვეშ ჩავარდნილი ადამიანების განთავისუფლების მეთოდებს და უნდა შეეძლოს ელექტრული დენის ზემოქმედებისაგან და სხვა უბედური შემთხვევებისაგან დაზარალებული ადამიანების პირველადი სამედიცინო დახმარების აღმოჩენა.

თავი II უსაფრთხოების საერთო წესები

მუხლი 5. ტერიტორია, შენობა და სამუშაო ადგილი

1. საპროექტო, სამშენებლო და საექსპლუატაციო სამუშაოებს ახორციელებენ იურიდიული ან/და ფიზიკური პირები მოქმედი კანონმდებლობის შესაბამისად.

2. საწარმოს ადმინისტრაციულ-ტექნიკურმა პერსონალმა უნდა შეიმუშაოს ავარიის ლიკვიდაციისა და ევაკუაციის გეგმა და უზრუნველყოს მისი გაცნობა და შესაბამისი ინსტრუქტაჟის პერიოდული ჩატარება მომსახურე პერსონალისათვის.

3. აკრძალულია აირსავლების ქვეშ სახელოსნოების, საყოფაცხოვრებო-სანიტარიული და სხვა დანიშნულების შენობების მოწყობა.

4. გადახურვები სართულებს შორის, იატაკები და არხები უნდა იყოს გამართულ მდგომარეობაში. იატაკზე ყველა ღიობი უნდა იყოს შემოღობილი. ჭის სახურავები, კამერებისა და არხების გადახურვები შესრულებული უნდა იყოს პროფილირებული ფოლადისაგან, იატაკის ან მიწის პირზე და მყარად უნდა იქნეს დამაგრებული.

გადახურვების ჭრილები, ლუქებახდილი ჭები, თავღია არხები, ქვაბულები, თბური კამერები და სხვა სახიფათო ზონები შემოღობილ უნდა იქნეს მთლიანად პერიმეტრის გარშემო. დროებითი შემოღობვის ელემენტები მჭიდროდ უნდა იქნეს დამაგრებული. ღობეები უნდა იყოს მყარი და უძლებდეს ადამიანის მასის ზემოქმედებას. კარგად უნდა ჩანდეს დღე-ღამის ნებისმიერ დროს. შემოღობვებზე გაკრული უნდა იყოს გამაფრთხილებელი პლაკატები.

5. კამერებსა და არხებში აუცილებლად უნდა იყოს შენარჩუნებული სისუფთავე. რეგულარულად უნდა ამოიტუმბოს წყალი და არ მოხდეს გასასვლელების ჩახერგვა.

6. დაუშვებელია სამშენებლო კონსტრუქციების გადაკეთება და მათში ღიობების მოწყობა წინასწარი გაანგარიშების საფუძველზე მიღებული დასაბუთების გარეშე.

7. ყველა საწარმოში, საამქროებსა და უბნებზე უნდა იყოს გეგმა, რომელზეც მითითებული იქნება სარემონტო მოედანი და მათზე დატვირთვის ზღვრული მნიშვნელობები. საამქროებსა და უბნებზე ნათლად უნდა იყოს მონიშნული სარემონტო მოედნების საზღვრები, ხოლო ფირნიშზე მითითებული დატვირთვის ზღვრული მნიშვნელობები.

8. სავენტილაციო სისტემები, ჰაერის კონდენცირება, ვენტილაცია, კონდენცირებისა და გათბობის სისტემების მონტაჟი და ექსპლუატაცია უნდა შეესაბამებოდეს ქარხანა-დამამზადებლის ინსტრუქციებს და მათზე ცვლილებები არ უნდა აუარესებდეს დამამზადებლის მოთხოვნებს ექსპლუატაციისადმი ისე, რომ საწარმოში შენარჩუნებული იყოს შრომის ჯანსაღი პირობები.

9. მყავეები, ტუტეები, მარილები ან სხვა რეაგენტები უნდა ინახებოდეს სპეციალურად მოწყობილ საწყობში.

10. ვერცხლისწყალი უნდა ინახებოდეს შეფუთულ მდგომარეობაში, საწარმო-დამამზადებლების სპეციალიზებულ საწყობში, უსაფრთხოების ყველა პრევენციული ზომის დაცვით. ვერცხლისწყლის ტრანსპორტირება უნდა მოხდეს მხოლოდ არამტვრევადი ჭურჭლით.

11. საწარმოო შენობებში აკრძალულია ბენზინის, ნავთის, სპირტის, საღებავების, გამხსნელების და სხვა ადვილად ალეხადი მასალების შენახვა, ყოველდღიური მოხმარებისათვის საჭირო რაოდენობის გარდა, რომელიც შეიძლება დაშვებულ იქნეს როგორც გამონაკლისი. ამ მასალების რაოდენობა და

შენახვის ადგილი შეთანხმებულ უნდა იქნეს საწარმოს სახანძრო დაცვის სამსახურთან, ასეთის არსებობის შემთხვევაში, წინააღმდეგ შემთხვევაში ამ მასალების რაოდენობა და შენახვის ადგილი შეთანხმებულ უნდა იქნეს ადგილობრივი თვითმმართველობის ორგანოების საგანგებო სიტუაციების მართვის დანაყოფებთან. მასალები უნდა ინახებოდეს საამქროების სპეციალურ საწყობებში, რომელთა კარებზე უნდა იყოს გაკრული სიგარეტის მოწვევისა და ღია ცეცხლის გამოყენების ამკრძალავი უსაფრთხოების ნიშნები.

სამუშაო ადგილებთან ახლოს დასაშვებია საცხებ-საპოხი მასალების შენახვა სპეციალურ მეტალის ქილებსა (კასრებსა) და საზეთურებში.

12. მცირე რაოდენობის (2-3 ლიტრამდე) ტუტეები და მჟავები, (ფლუორმჟავას გარდა) აუცილებლად უნდა ინახებოდეს ვენტილაციით აღჭურვილ ცალკე შენობებში, საცობებით მჭიდროდ დაცულ მინის ჭურჭელში (ბოცებში).

ფლუორმჟავა უნდა ინახებოდეს პოლიეთილენის ჭურჭელში ან პარაფინირებულ ბოცებში. ბოცები მოთავსებული უნდა იყოს ხის ყუთებში. ბოცებს შორის სივრცე შევსებული უნდა იყოს ნამჯით ან ხის ბურბუშელით. გოგირდისა და აზოტის მჟავებიანი ბოცების შესანახად ხის ყუთების გამოყენება შესაძლებელია მხოლოდ მათი ხანძარსაწინააღმდეგო დამუშავების შემდეგ. ბოცების ამოღება კალათებიდან და ყუთებიდან შესაძლებელია მხოლოდ მათი დაცლის შემდეგ.

ყუთები და კალათები, რომლებშიც მოთავსებულია მჟავები უნდა იდგეს იატაკზე ერთ რიგად და ყოველ მათგანზე უნდა იყოს მჟავას აღმნიშვნელი ფირფიტა.

მჟავებისაგან დაცლილი ბოცები უნდა ინახებოდეს ანალოგიურ პირობებში.

13. ელექტროსადგურების საამქროებში გათვალისწინებული უნდა იყოს ადგილები ელექტროშედულების დანადგარების დადგმისათვის, ასევე უნდა იყოს განშტოებები ცენტრალიზებული აირშედულებითი სამუშაოების ჩასატარებლად.

14. ტვირთების დაშტაბელება დროებითი დასაწყობების ადგილას უნდა განხორციელდეს უსაფრთხო დატვირთვა-გადმოტვირთვით.

15. საწარმო შენობებში მავნე ნივთიერებების კონცენტრაცია არ უნდა აჭარბებდეს საქართველოს შრომის, ჯანმრთელობისა და სოციალური დაცვის მინისტრის 2003 წლის 25 დეკემბრის №346/ნ ბრძანებით დამტკიცებულ სამუშაო ზონის ჰაერში მავნე ნივთიერებების შემცველობის ზღვრულად დასაშვებ ნორმებს.

16. უნდა შედგეს ყველა გაზსაშიში ადგილებისა და იმ შენობების ნუსხა, რომლებშიც ინახება მავნე ნივთიერებები. გაზსაშიში ადგილებისა და მავნე ნივთიერებებით შენობების ნუსხას ამტკიცებს საწარმოს ტექნიკური ხელმძღვანელი. შენობების შესასვლელებზე გაკრულ უნდა იქნეს შესაბამისი სტანდარტის გამაფრთხილებელი ნიშნები, რომლებიც მიუთითებენ მათში მავნე ნივთიერებების არსებობას, ასევე ხანძრისა და აფეთქების საშიშროებას.

17. საწარმოებში სახანძრო უსაფრთხოების უზრუნველყოფის ღონისძიებები უნდა შეესაბამებოდეს სახანძრო უსაფრთხოების წესების მოთხოვნებს. შენობებსა და ტერიტორიაზე უნდა იყოს ხანძრის ჩაქრობისათვის საჭირო საშუალებები, სახანძრო უსაფრთხოების წესების მოთხოვნების შესაბამისად.

18. ტერიტორიაზე და საწარმოო შენობებში მოწვევა შეიძლება სპეციალურად გამოყოფილ ადგილებში. მოწვევა რეზერვუარებში, კამერებში, ჭებში, არხებში და ღია ლიუკებთან აკრძალულია.

19. საწარმოო შენობებში უნდა იყოს სააფთიაქო ყუთები დაკომპლექტებული გადასახვევი მასალებითა და მედიკამენტებით.

მუხლი 6. მოთხოვნები მოწყობილობებისადმი

1. მოწყობილობათა ყველა ცხელი ნაწილები, მილსადენები, ავზები და სხვა ელემენტები, რომელთანაც შეეხებამ შეიძლება გამოიწვიოს პერსონალის დამწვრობა უნდა იყოს დაფარული თბოიზოლაციით. იზოლაციის ზედაპირის ტემპერატურა 25° C გარემო ტემპერატურის დროს არ უნდა აჭარბებდეს 45°C. შეღებვა და წარწერა მილსადენებზე უნდა შეესაბამებოდეს საქართველოს ტერიტორიაზე მოქმედ სტანდარტს –გოსტ 14202-69 სამრეწველო საწარმოების მილგაყვანილობები, საცნობი შეღებვა, გამაფრთხილებელი ნიშნები და სანიშანდებო დაფები.

2. მოწყობილობათა და მილსადენების ცხელი ზედაპირები, რომლებიც იმყოფებიან ადვილადაალებადი, წვადი, ფეთქებადსაშიში ან მავნე ნივთიერებების შესაძლო მოხვედრის ზონაში, ამ ნივთიერებების თბოიზოლაციაზე მოხვედრის თავიდან აცილების მიზნით უნდა იყოს დაფარული მეტალის გარსაცმით.

3. აგრესიული, ადვილად დააღებადი, წვადი, ფეთქებადსაშიში ან მავნე ნივთიერებების მილსადენები უნდა იყოს ჰერმეტიკული. შესაძლო გაჟონვების ადგილებში (ურდულები, ონკანები, მილტუჩური შეერთებები) დაყენებული უნდა იყოს დამცავი გარსაცმები, ხოლო აუცილებლობის შემთხვევაში – სპეციალური მოწყობილობა გაჟონვის პროდუქტების უსაფრთხო ადგილას ჩასადღვრელად.

4. მოწყობილობათა ელემენტები, არმატურა და ხელსაწყოები, რომლებიც საჭიროებენ პერიოდულ შემოწმებას განთავსებული უნდა იყოს მომსახურებისათვის მოსახერხებელ ადგილას.

5. იატაკიდან (სამუშაო მოედნიდან) 1,5 მ-ის ზემოთ განლაგებული მოწყობილობათა საკვანძო ელემენტების მომსახურება უნდა განხორციელდეს შემოღობვებითა და კიბეებით მოწყობილი სტაციონარული ბაქნებიდან. კიბეები და მოედნები შემოღობილი უნდა იყოს არანაკლებ 1 მ სიმაღლის, 14 სმ-იანი სიმაღლის ქვედა საბორტო მოაჯირებით. მანძილი მოედნის ზედაპირიდან სახურავამდე არ უნდა იყოს 2 მ-ზე ნაკლები.

6. საწარმოო მოწყობილობათა მზრუნავი ნაწილები, რომლებთანაც შეიძლება შეხება მოუწიოთ მომსახურე პერსონალს, აღჭურვილი უნდა იყოს დაცვის საშუალებებითა და შემოღობვებით. აუცილებლობის შემთხვევაში, ისინი ბლოკირებული უნდა იყოს მანქანებისა და მექანიზმების ამძრავების შემოღობვის მოხსნის და კარებისა და ხუფების გაღების შემთხვევაში. აკრძალულია მანქანა-მექანიზმების კარკასზე შემოღობვების მოწყობა ლითონის ზოლოვანებისა და ღეროების დადუღებით. ნახევარქუროების ხუფები ისე უნდა იყოს მოწყობილი, რომ მზრუნავი ღერძის დაუფარავი ნაწილი არ აღემატებოდეს 10 მმ-ს.

მუხლი 7. მოწყობილობათა მომსახურება

1. ახალი საწარმოო პროცესებისა და ტექნოლოგიების დამუშავება და დანერგვა, ახლად დამუშავებული მოწყობილობისა და ავტომატიზაციის საშუალებების ნიმუშების გამოცდა ხორციელდება მწარმოებელი ქარხნის ინსტრუქციების შესაბამისად, ტექნიკური პირობების მიხედვით.

2. ყოველ სამუშაო ადგილზე უნდა იყოს საწარმოო და თანამდებობრივი ინსტრუქციები, ასევე შრომის დაცვის ინსტრუქციები, მოცემული თანამდებობისა და პროფესიისათვის აუცილებელი მოცულობით.

3. სამუშაოს დაწყებამდე შემოწმებულ უნდა იქნეს წინამდებარე წესების მოთხოვნები, რომელიც შეეხება შესასრულებელ სამუშაოს. წინამდებარე წესების მოთხოვნების შეუსრულებლობის შემთხვევაში მომსახურე პერსონალს უფლება არა აქვს შეუდგეს სამუშაოს შესრულებას, მიუხედავად იმისა, თუ ვინ გასცა განკარგულება მის შესრულებაზე.

4. ქვაბიდან წიდების მოცილების, ქვაბის და მისი ქვედა წერტილების გაქრვის, არამდგრადი და ავარიული რეჟიმების დროს დაცულ უნდა იქნეს ქარხანა-დამამზადებლის ინსტრუქციების მოთხოვნები.

5. ხურების ზედაპირების მიღებზე, ორთქლის მილსადენებზე, კოლექტორებზე, მკვებავ მილსადენებზე, არმატურის და სხვა მაღალი წნევისა და ტემპერატურის მქონე მოწყობილობის კორპუსებზე ნახვრეტის აღმოჩენის შემთხვევაში აუცილებელია სასწრაფოდ ხალხის გამოყვანა ავარიული მოწყობილობის სიახლოვიდან. სახიფათო ზონა უნდა შემოიღობოს სასწრაფოდ და გამოიკიდოს ფირნიშები ფრთხილად! სახიფათო ზონაა“!

6. ყოველი გამშვები მოწყობილობის ქვეშ (გარდა დისტანციურისა), ასევე 1000 ვოლტამდე და 1000 ვოლტის ზემოთ ელექტროძრავებთან, თუ ისინი განთავსებულია მომეტებული ან განსაკუთრებული საფრთხეების შემცველ შენობებში, უნდა იყოს დიელექტრიკული ხალიჩები, ხოლო ნესტიან შენობებში მათი განთავსებისას – იზოლირებული ქვესადგამები.

7. აკრძალულია გაუმართავი დანადგარების ექსპლუატაცია ან მათი ექსპლუატაცია გაუმართავი ავარიული გამორთვის მოწყობილობით, ასევე მოწყობილობების ექსპლუატაცია გაუმართავი სიგნალიზაციით, ბლოკირებისა და დაცვის მოწყობილობებით.

8. აკრძალულია მოწყობილობათა შეკეთება იმ ტექნიკური ღონისძიებების შესრულების გარეშე, რომელიც უზრუნველყოფს მათ მუშაობაში შეცდომით ჩართვისაგან, (ძრავების გაშვება, ორთქლის ან წყლის მიწოდება და ა.შ.) თვითნებური გადაადგილების ან მოძრაობის დაწყებისაგან დაცვას.

9. იმ სარემონტო სამუშაოების ზონებში, სადაც ჰაერის ტემპერატურა მეტია 32°C-ზე გათვალისწინებულ უნდა იქნეს გადასატანი ჰაერმაშხეფი მოწყობილობები.

10. მოწყობილობათა ცხელ ნაწილებთან ადამიანების ყოფნის აუცილებლობის შემთხვევაში მიღებულ უნდა იქნეს ზომები მათი დამწვრობის მიღებისაგან და მაღალი ტემპერატურის ზემოქმედებისაგან დაცვის მიზნით (მოწყობილობათა შემოღობვა, ვენტილაცია, სპეცტანსაცმელი და სხვა).

11. აკრძალულია მოწყობილობათა და მათი დეტალების გარეცხვისა და გაუცხიმოვნებისათვის ნავთის, ბენზინის, ბენზოლის, აცეტონისა და სხვა წვადი და ადვილად აალებადი ნივთიერებების, ასევე ტრიქლორეთილენის, დიქლორეთილენისა და სხვა ქლორისაგან ნაწარმოები ნახშირწყალბადების გამოყენება.

12. წვადი, ფეთქებადსაშიში და მავნე ნივთიერებათა მილსადენებისა და არმატურის გაყინვისას მათი გალხობა შესაძლებელია მხოლოდ ტენიანი ორთქლით ან ცხელი წყლით. ღია ცეცხლის გამოყენება დასაშვებია მხოლოდ წყლის მილსადენების, ორთქლისა და პულპოსადენების შესათბობად, რომელიც განთავსებულია არაცეცხლსაშიშ შენობებში და ღია ცის ქვეშ.

13. ადგილები, სადაც საშიშია ხალხის ყოფნა ან მათ სიახლოვეს გავლა, შემოღობილ უნდა იქნეს ბაგირებით ან სტაციონარული დამცავი ფარებით და მოწყობილ უნდა იქნეს შესაბამისი უსაფრთხოების ნიშნები.

14. ადმინისტრაციამ უნდა უზრუნველყოს სამუშაო ადგილების განათება მომსახურე პერონალის უსაფრთხო გადაადგილებისა და მუშაობისათვის.

15. ხელით გადასატანი სანათი ხელსაწყოები უნდა იკვებებოდეს არა უმეტეს 42 ვოლტი ძაბვის ქსელიდან. იმ ადგილებში, სადაც მომატებულია ტენიანობა, მტვრიანობა, მეტალის დამიწებულ ზედაპირებთან შეხების შესაძლებლობა და შექმნილია ელექტროდენით დაზიანების გაზრდილი საფრთხეები, სანათი მოწყობილობები უნდა იკვებებოდეს არა უმეტეს 12 ვოლტი ძაბვის ქსელისაგან.

16. გაზსაშიშ შენობებში შესვლამდე აუცილებელია ჩატარდეს ჰაერის ანალიზი მასში გაზების შემცველობაზე. გაზების არსებობის შემოწმება უნდა ჩატარდეს აფეთქებისაგან დაცული ტიპის გაზოანალიზატორის საშუალებით. შენობის დაგაზიანების აღმოჩენის შემთხვევაში მასში შესვლა შესაძლებელია მხოლოდ განიავებისა და ხელახალი ანალიზის ჩატარების შემდეგ, მასში საკმარისი რაოდენობის ჟანგბადის არსებობის შემთხვევაში (არანაკლებ 20%-ის მთლიანი მოცულობიდან).

17. გაზსაშიში სამუშაოების შესრულების დროს ასევე დაცულ უნდა იქნეს შემდეგი მოთხოვნები:

ა) გადასატან სანათებზე გამოყენებულ უნდა იქნეს მხოლოდ აფეთქებაუსაფრთხო სანათები. აკრძალულია სანათების ჩართვა და გამორთვა გაზსაშიშ ადგილებში, ასევე ღია ცეცხლის გამოყენება განათებისათვის;

ბ) გამოყენებულ უნდა იქნეს მხოლოდ ისეთი ხელსაწყოები და სამარჯვები, რომლებიც გამორიცხავენ ნაპერწკლის წარმოქმნას;

გ) აკრძალულია ელექტროდრელის და სხვა ელექტროხელსაწყოებისა და სამარჯვების გამოყენება, რომლებიც იწვევენ ნაპერწკალს;

დ) პერსონალის ფეხსაცმელი უნდა იყოს ლითონის ნალებისა ლურსმნების გარეშე, წინააღმდეგ შემთხვევაში გამოყენებული უნდა იქნეს რეზინის ფეხსაცმელით.

მუხლი 8. უსაფრთხოების ზომები მოწყობილობათა დეფექტოსკოპიის დროს

დეფექტოსკოპიის ყველა სამუშაოები, რომელთა შესრულებისას გამოიყენება ხელსაწყოები მაიონიზირებული გამოსხივების წყაროებით, უნდა წარმოებდეს რადიაციული უსაფრთხოების ნორმების შესაბამისად.

მუხლი 9. თბომცველი აპარატებისა და მილსადენების მომსახურება

1. თბომცველი აპარატების ექსპლუატაცია აკრძალულია მათი შემოწმების ვადის გასვლის ან დეფექტების გამოვლენის, დონეების რეგულირებისა და დაცვის სისტემების გაუმართაობის ან არ არსებობის შემთხვევაში, რაც საფრთხეს შეუქმნის თბომცველი აპარატების უსაფრთხო და საიმედო ფუნქციონირებას, რაზეც უნდა იყოს შესაბამისი ჩანაწერი თბომცველი აპარატის პასპორტში აკრძალვის მითითებით.

2. ყველა მილსადენსა და თბომცველ აპარატს ზედა წერტილში უნდა ჰქონდეს ჰაერის გამომშვები, ხოლო ქვედა წერტილებში და შეგუბების ზონებში – სადრენაჟო მოწყობილობები, რომელიც უშუალოდ მიერთებული იქნება ატმოსფერულ გარემოსთან. სადრენაჟო მილსადენებიდან წყლის ჩამოდვის ადგილი გატანილ უნდა იქნეს პერსონალისათვის უსაფრთხო მანძილზე.

3. თბომცვლელი აპარატების უსაფრთხოების სარქველების, მანომეტრებისა და სხვა არმატურის შემოწმება უნდა განხორციელდეს საწარმოს მიერ სპეციალურად არჩეული მომსახურე პერსონალის მიერ თბომცვლელი აპარატების მომსახურეობის ინსტრუქციების შესაბამისად.

4. ორთქლსავალ ტრაქტში გაჟონვის აღმოჩენის შემთხვევაში საამქროს ცვლის უფროსმა დაუყოვნებლივ უნდა განსაზღვროს სახიფათო ზონა, და არ დაუშვას პერსონალი სახიფათო ზონაში, მათ შორის, გამაფრთხილებელი ნიშნების გამოყენებით.

5. თბომცვლელი აპარატებისა და მილსადენების გათიშვა უნდა განხორციელდეს სულ მცირე ორი, მიმდევრობით დაყენებული საკვალთით. მათ შორის, უნდა იყოს უშუალოდ ატმოსფეროსთან შეერთებული სადრენაჟო მოწყობილობა. აღნიშნული მოთხოვნიდან გამონაკლისი დაიშვება საწარმოს შესაბამისი, დადგენილი პასუხისმგებელი ინჟინერ-ტექნიკური მომსახურე პერსონალის გადაწყვეტილებით, ცალკეული შემთხვევების დროს რისკის ანალიზის საფუძველზე, ზემოთ ხსენებული ობიექტების სარემონტო სამუშაოების განხორციელების ინსტრუქციის შესაბამისად. აღნიშნული ინსტრუქცია უნდა უზრუნველყოფდეს ორთქლდენისა და გაჟონვისგან მომდინარე საფრთხეებისგან მომსახურე პერსონალის დაცვის ღონისძიებებს.

6. ორთქლისა და წყლის მილსადენების შეკეთების, გასინჯვისა და ექსპლუატაციისას მილტუჩური შეერთებები უნდა იყოს გერმეტული და დაცული გაჟონვისგან.

7. მილსადენების შეთობა და გაშვება უნდა განხორციელდეს ადგილობრივი ინსტრუქციის ან სპეციალურად შემუშავებული პროგრამის შესაბამისად.

8. ორთქლის მილსადენების გაქრევა უნდა განხორციელდეს სამონტაჟო, სარემონტო ან გაშვება-გაწყობის ორგანიზაციების ხელმძღვანელების მიერ დამტკიცებული სპეციალური პროგრამის შესაბამისად.

მუხლი 10. თბოსაიზოლაციო და ამოკირვის სამუშაოები

1. ანტიკოროზიული, შეღებვითი და საიზოლაციო სამუშაოები მოწყობილობებსა და კონსტრუქციებზე უნდა შესრულდეს საწარმოს მიერ შემუშავებული შესაბამისი სამუშაოების უსაფრთხოების მოთხოვნების დაცვით.

2. აკრძალულია თბოსაიზოლაციო სამუშაოების შესრულება მუშა მოწყობილობებზე, მათ შორის, მილსადენებზე, გარდა თბური იზოლაციის დამცავ ფენაზე და გარსაცმზე სამუშაოებისა.

3. მოწყობილობებზე, მათ შორის, მილსადენებზე იზოლაციის სამუშაოების დაწყების წინ აუცილებელია ჟონვისა და ორთქლვის არარსებობაში და მეზობელ მუშა მოწყობილობებზე მდგრადი რეჟიმის არსებობაში დარწმუნება.

4. აკრძალულია საიზოლაციო სამუშაოების შესრულება მოწყობილობებზე მათი ჰიდრავლიკური და პნევმატიკური გამოცდის დროს, ასევე გამოსაცდელი მოწყობილობის სახიფათო ზონის ახლოს.

5. თბოსაიზოლაციო და სხვა მასტიკისმაგვარი მასალებით მუშაობისას, რომელთა შემადგენლობაშიც შედის თხევადი მინა, ასევე კირით შელესვისას, პერლიტით, ვერმიკულიტური ხსნარებისა და მასტიკების გამოყენებით საიზოლაციო სამუშაოების შესრულებისას, მომსახურე პერსონალი აღჭურვილი უნდა იყოს ხელთათმანებით და დამცავი სათვალეებით და საჭიროების შემთხვევაში სხვა დამცავი აღჭურვილობით.

მუხლი 11. მიწის სამუშაოები

1. მიწის სამუშაოები უნდა შესრულდეს სამშენებლო ნორმების, წესებისა და უსაფრთხოების წესების მოთხოვნათა შესაბამისად.

2. ენერგოსაწარმოს ტერიტორიაზე, ასევე მიწისქვეშა კომუნიკაციების დაცვის ზონებში (ელექტროკაბელები, გაზსადენები და სხვა) მიწის სამუშაოები სრულდება მხოლოდ საამქროს უფროსის ან საწარმოს ხელმძღვანელის წერილობითი ნებართვით, რომლებიც პასუხისმგებელნი არიან ამ კომუნიკაციების ექსპლუატაციაზე. ნებართვაში მითითებული უნდა იყოს კომუნიკაციების გეგმა (სქემა) და მისი ჩალაგების სიღრმე. სამუშაოს დაწყებამდე დაყენებულ უნდა იქნეს უსაფრთხოების ნიშნები ან წარწერები, რომლებიც მიუთითებენ მიწისქვეშა კომუნიკაციების ადგილმდებარეობას.

3. მოქმედი მიწისქვეშა კომუნიკაციების ზონაში მიწის სამუშაოები უნდა შესრულდეს სამუშაოთა ხელმძღვანელის უშუალო მეთვალყურეობით. ძაბვის ქვეშე მყოფი კაბელის დაცვის ზონაში, მოქმედ

გაზსადენებსა და თბოტრასაზე მუშაობისას – დამატებით იმ ორგანიზაციის ხელმძღვანელის მეთვალყურეობით, რომელიც ექსპლუატაციას უწევს ამ კომუნიკაციებს.

4. ფეთქებადსაშიში ან საბრძოლო მასალების აღმოჩენის შემთხვევაში, რომლებიც არ არის მითითებული მიწისქვეშა ნაგებობათა გეგმაზე (სქემაზე), მიწის სამუშაოები დაუყოვნებლივ უნდა შეწყდეს, პერსონალი გაყვანილ იქნეს სახიფათო ზონიდან და მიღებულ იქნეს ზომები სახიფათო ზონაში უცხო პირთა შეღწევის თავიდან აცილების მიზნით. სამუშაოს გაგრძელება აკრძალულია შესაბამისი ორგანიზაციებიდან ნებართვის მიღებამდე.

5. თხრილებსა და ქვაბულებში მავნე აირების აღმოჩენის შემთხვევაში დაუყოვნებლივ უნდა შეწყდეს მუშაობა, ხოლო პერსონალი გაყვანილ იქნეს სახიფათო ზონიდან. სამუშაოს გაგრძელება შესაძლებელია სამუშაო ზონიდან მავნე აირების გამოდინების შეწყვეტისა და გაზებისაგან სრული გათავისუფლების შემდეგ. აუცილებლობის შემთხვევაში დაგაზიანებულ ზონაში სამუშაოთა წარმოება უნდა განხორციელდეს წინამდებარე წესების მე-12 მუხლის მოთხოვნათა შესაბამისად.

6. აკრძალულია ღია ცეცხლის გამოყენება თხრილებში, რომელთა ახლოს გადის გაზსადენი ან შესაძლებელია გაზის დაგროვება.

7. ქვაბულები და ტრანშეები, რომელთა დამუშავება ხდება ადამიანებისა და ტრანსპორტის გადაადგილების ზონაში უნდა შემოიღობოს და შემოღობვებზე აუცილებელია დადგეს გამაფრთხილებელი პლაკატები/ფირნიშები და უსაფრთხოების ნიშნები, ხოლო ღამის საათებში სასიგნალო განათება.

8. შემოღობვიდან რკინიგზის უახლოესი რელსის ღერძამდე უნდა იყოს უსაფრთხო მანძილი.

9. გაუმაგრებელი კედლებიანი თხრილის პრიზმის რღვევის ფარგლებში აკრძალულია სამშენებლო მანქანებისა და ავტოტრანსპორტის დგომა ან გადაადგილება, ასევე ჯალამბრების, მასალებისა და სხვა მანქანა-მოწყობილობების განთავსება. სამშენებლო მანქანებისა და ავტოტრანსპორტის გაჩერება და გადაადგილება, გამაგრებულ კედლებიანი თხრილის პრიზმის რღვევის ფარგლებში, დასაშვებია (დატვირთვის მნიშვნელობისა და დინამიურობის გათვალისწინებით) სამუშაოთა წარმოების პროექტში მოცემული გამაგრების სიმტკიცის შესაბამისობის წინასწარი შემოწმების შემდეგ.

10. ექსკავატორების მუშაობის დროს აკრძალულია:

ა) მისი დამაგრებისათვის ისეთი საგნების გამოყენება, რომლებიც ამისთვის არ არის განკუთვნილი. დამაგრებისათვის გამოყენებულ უნდა იქნეს ინვენტარული საბჯენები;

ბ) ყოფნა ექსკავატორის მოქმედების ზონიდან არანაკლებ 5 მ მანძილზე;

გ) ჩამჩის გაწმენდა აწეულ მდგომარეობაში.

კარი II

ენერგეტიკული მოწყობილობის მომსახურება

თავი III

სათბობ-სატრანსპორტო მოწყობილობათა მომსახურება

მუხლი 12. სარკინიგზო მეურნეობის მომსახურება

მომსახურება უნდა განხორციელდეს რკინიგზის სფეროში მოქმედი რეგლამენტების მიხედვით.

მუხლი 13. სამაზუთე მეურნეობის მომსახურება

1. უზრუნველყოფილი უნდა იყოს შენობებსა თუ სამაზუთე მეურნეობის ტერიტორიებზე, მაზუთის რეზერვუარებში, მიმღებ-ჩამომღვრელ მოწყობილობებში, არხებში, სატუმბოებში და ა.შ. საცეცხლე სამუშაოების უსაფრთხოდ შესრულება.

2. სატრანსპორტო საშუალებების რეზერვუარების პარკის ტერიტორიაზე გადაადგილება დასაშვებია მხოლოდ გამოსაბოლქვ მილებზე ნაპერწკლის ჩამხშობების დაყენების შემდეგ.

3. აკრძალულია მაზუთის ჩამოსაცლელ უბნებზე ცისტერნების დამუხრუჭება ისეთი ბუნიკებით, რომლებსაც შეუძლია ნაპერწკლის წარმოქმნა.

4. მაზუთის ჩამოცლისა და ცისტერნების გარეცხვის შემდეგ სახურავებისა და ლიუკების დახურვა უნდა განხორციელდეს ცისტერნის გარე ზედაპირის 40 °C - მდე გაცივების შემდეგ.

5. მაზუთისა და სხვა საწვავ-საპოხი მასალების სინჯების აღება ცისტერნებიდან და რეზერვუარებიდან უნდა განხორციელდეს ნავთობისა და ნავთობპროდუქტების სინჯის ასაღები სპეციალური მოწყობილობებით, სინჯის აღების მეთოდების შესაბამისად.

6. რეზერვუარებში მაზუთის კლავნილამილებიანი გამათბობელით გათბობისას, მაზუთის დონე უნდა იყოს გამათბობელზე 50 სმ-ით მაღლა.

7. აკრძალულია რეზერვუარებში მაზუთის გათბობა 90 °C ტემპერატურაზე მეტად.

8. ელექტროსადგურში მაზუთის ნაცვლად ერთჯერადად სხვა სახის თხევადი სათბობის (დიზელის, სოლარის და სხვა) მიწოდების შემთხვევაში უნდა შესრულდეს მათი უსაფრთხოდ გამოყენების სპეციალური მითითებები.

9. დათვალიერება, გაწმენდა და სარემონტო სამუშაოების წარმოება ტევადობებისა და რეზერვუარების შიგნით უნდა განხორციელდეს სპეცტანსაცმლით და ინდივიდუალური დაცვის საშუალებებით აღჭურვილმა მომსახურე პერსონალმა, სამუშაოები უნდა შესრულდეს ღია ლიუკებით, აუცილებლობის შემთხვევაში – ჰაერის ხელოვნური ცირკულაციით, რომელიც უზრუნველყოფს ჰაერში მავნე ნივთიერებების დასაშვებ კონცენტრაციას.

სამაზუთე ტევადობებში მუშაობისას აუცილებელია მაშველი ქამრების გამოყენება.

10. დაუშვებელია ტევადობებში (რეზერვუარებში) კიბეების გარეშე ხალხის ჩაშვება. მუდმივი სტაციონარული კიბეების არარსებობის შემთხვევაში აუცილებელია გადასატანი ხის მოუჭედავი კიბეების გამოყენება, ნაპერწკლის წარმოქმნის თავიდან აცილების მიზნით.

თავი IV

საქვებზე დანადგარების მოწყობილობების მომსახურება

მუხლი 14. გაზის მეურნეობის მომსახურება

გაზის მეურნეობაში მომსახურება უნდა შესრულდეს ამ სფეროში მოქმედი რეგლამენტების შესაბამისად.

მუხლი 15. საქვებზე დანადგარების მომსახურება

1. საქვებზე დანადგარების შემოვლის პერიოდულობა დგინდება და მასზე პასუხისმგებლობა განისაზღვრება საწარმოს მიერ.

2. შემოვლის დროს აკრძალულია ქვებზე ლიუკებისა და საძრომების გაღება.

3. აკრძალულია სანთურების ანთება საჭვრეტებისა და საძრომების ღია პირობებში. ალის სათვალთვალო ლიუკები დახურული უნდა იყოს შუშით. იმ ქვებზე, რომლებიც მუშაობენ შებერვით, გათვალისწინებული უნდა იყოს შუშის დამცავი მოწყობილობა.

4. ქვების დანთებამდე დამთავრებული უნდა იყოს ქვებზე მიმდინარე სარემონტო და სამონტაჟო სამუშაოები, ხოლო პერსონალი, რომელსაც არა აქვს შეხება ქვების დანთებასთან, გამოყვანილი უნდა იქნეს საამქროს (ბლოკის) უფროსის მიერ. უნდა შეწყდეს მეზობელ ქვებზე მიმდინარე სარემონტო სამუშაოები, რომლებიც მიმდინარეობს საცეცხლეებისა და აირსავალების გარეთ და მიმართულია დასანთები ქვებისაკენ ან მდებარეობს მისგან პირდაპირი ხედვის ზონაში. ქვებზე სარემონტო სამუშაოების განახლება შესაძლებელია მორიგე პერსონალის მითითების შემდეგ.

5. სტაციონარული მექანიზირებული მოწყობილობებით ქვების შებერვა უნდა განხორციელდეს სპეციალური ინსტრუქციების შესაბამისად.

6. წიდისა და ნაცრის პერიოდული მოცილების მოწყობილობებით აღჭურვილ ქვებზე აკრძალულია ერთდროულად შებერვა და წიდისა და ნაცრის ჩამოშვება.

7. წყლის მაჩვენებელი ხელსაწყოების გაქრევა აუცილებლად უნდა განხორციელდეს სპეციალური ინსტრუქციის შესაბამისად.

მუხლი 16. სამუშაოები საცეცხლეების, აირსავალების, ჰაერსატარების, ქვების დოლების შიგნით და საკვამლე მიწებზე

1. სამუშაოები საქვებზე დანადგარების ელემენტებში, ასევე ჰაერსატარებსა და გაზსავალებში უნდა შესრულდეს სპეციალური ინსტრუქციის შესაბამისად.

2. საკვამლე მიწებისა და აირსავალების შიგნიდან შეკეთება უნდა განხორციელდეს ნამწვი აირების არარსებობისა და საკმარისი ვენტილაციის პირობებში.

3. ისეთი სამუშაოების დროს, რომელთა შესრულებისას მომუშავე იმყოფება გრუნტის, გადახურვის ან ფიცარნაგის ზედაპირიდან 1,3 მეტრზე ან უფრო მეტ სიმაღლეზე და 2 მეტრზე ნაკლებ მანძილზე სიმაღლის სხვა დონიდან, უნდა მოეწყოს ხარაჩოები და კალათები.

თავი V

ორთქლის ტურბინების მოწყობილობების მომსახურება

მუხლი 17. ტურბოაგრეგატების მომსახურება

1. ტურბოაგრეგატების შემოვლის პერიოდულობა დგინდება და მასზე პასუხისმგებლობა განისაზღვრება საწარმოს მიერ.

2. აკრძალულია ტურბინის გაშვება რეგულირებისა და ორთქლის მიწოდების სისტემებში არსებული დეფექტების დროს.

3. გენერატორებთან, გაზისა და ზეთის სისტემების აპარატებთან ახლოს უნდა გამოიკიდოს გამაფრთხილებელი პლაკატები „ფრთხილად!“ „აფეთქების საშიშროებაა“.

მუხლი 18. უსაფრთხოების ზომები ცეცხლგამძლე ზეთებთან მუშაობისას

1. ცეცხლგამძლე ზეთებთან მუშაობის დროს დაცულ უნდა იქნეს ქარხანა-დამამზადებლის ინსტრუქციით გათვალისწინებული მოთხოვნები.

მორიგე და სარემონტო პერსონალის სამუშაო ადგილას უნდა იყოს სპეციალური (ცეცხლგამძლე ზეთის, ქარხანა-დამამზადებლის მიერ განსაზღვრული მარკის) აირწინაღები ან შესაბამისი რესპირატორები.

3. პერსონალმა, რომელსაც უშუალო კონტაქტი აქვს ცეცხლგამძლე ზეთებთან, უნდა იმუშაოს სპეციალური ინსტრუქციის (ქარხანა-დამამზადებლის) მიხედვით, სპეცტანსაცმლით, სპეცფეხსაცმლით, ხელთათმანებით და ა.შ.

4. ინჟინერ-ტექნიკურმა პერსონალმა უნდა უზრუნველყოს ცეცხლგამძლე ზეთებთან მომუშავე პერსონალის ტოქსიკური მოწამვლისგან/დაზიანებისგან დაცვა.

5. საწარმოს უნდა ჰქონდეს სპეცტანსაცმლის გამოყენება/მოვლის ინსტრუქცია/განაწესი.

6. არა უგვიანეს თვეში ერთხელ უნდა განხორციელდეს სატურბინო შენობის ჰაერის შემოწმება ცეცხლგამძლე ზეთის ორთქლის არსებობაზე.

მუხლი 19. თბური ავტომატიკის, თბოტექნიკური გაზომვებისა და დაცვის მოწყობილობების მომსახურება

1. ავტომატიკის გადამწოდების, საკონტროლო გამზომი ხელსაწყოებისა და დაცვების პირველადი ჩამკვეტი ვენტილების ჩართვა და გამორთვა უნდა აწარმოოს შესაბამისი კვალიფიკაციის მომსახურე პერსონალმა.

2. ქიმიურ საამქროში განთავსებულ დანადგარებზე დაყენებული ავტომატიკის, თბური გაზომვებისა და დაცვის მოწყობილობებზე მუშაობისას დაცული უნდა იყოს წინამდებარე წესებისა და ქარხანა-დამამზადებლის მოთხოვნები.

თავი VI

წყალმომარაგების სისტემის მომსახურება

მუხლი 20. ცირკულაციური წყალმომარაგების წყალაღების მოწყობილობების მომსახურება

1. საწარმოს ხელმძღვანელობამ უნდა უზრუნველყოს ცირკულაციური წყალმომარაგების წყალაღების მოწყობილობების მომსახურების უსაფრთხოების წესების შემუშავება.

2. ტუმბოების შემწოვი ხაზის შეკეთება, ძირზე 30 სმ სისქის ნალექის არსებობის შემთხვევაში უნდა განხორციელდეს ფიცარნაგებიდან.

3. გაყინული მილსადენების ცხელი წყლით გალხობისას მიღებულ უნდა იქნეს ზომები პერსონალის დამწვრობის თავიდან ასაცილებლად.

4. აკრძალულია წყალმიმღები ნაგებობების მიმყვან არხებში მცურავი საშუალებების განთავსება, რომელიც არ არის დაკავშირებული ამ ნაგებობების მომსახურებასთან.

5. აკრძალულია არხებში გაჭუჭყიანებული წყლის ჩაშვება.

6. სადაწნეო მილსადენების გალერეები უნდა იყოს სათანადოდ განათებული. აკრძალულია მილსადენებს შორის გასასვლელების ჩახერგვა.

მუხლი 21. სალექარ-გამციებლების, საშხეფი აუზებისა და შხეფსაცივრების ექსპლუატაცია

1. საწარმოს ინჟინერ-ტექნიკურმა პერსონალმა უნდა უზრუნველყოს სალექარ-გამაციებლებისა და შხეფსაცივრების ტერიტორიებზე გარეშე პირების არასანქცირებული შეღწევისაგან დაცვა. მომსახურე პერსონალი უზრუნველყოფილ უნდა იქნეს სამუშაო პირობების შესაბამისი სპეცტანსაცმლით და საჭირო ინდ. დაცვის საშუალებებით.

2. შხეფსაცივრების წყლის გამფრქვევი საქშენების, თეფშებისა და ჩამდინარე წყლის საცმების, დანალექებისაგან (შლამი, მინადული და სხვა) და სხვა სამუშაოების განხორციელებისას ქიმიური ნივთიერებების გამოყენების შემთხვევაში (მაგ.: მარილმჟავას ან გოგირდმჟავას ხსნარი ან სხვა) მომსახურე პერსონალი უნდა ფლობდეს ამგვარ ნივთიერებებთან უსაფრთხოდ მოპყრობის წესებს. მომსახურე პერსონალის აღნიშნული ცოდნით უზრუნველყოფა ევალება საწარმოს ხელმძღვანელებს. ქიმიურად საშიში სამუშაოების შესრულებისას საწარმოს ხელმძღვანელების მიერ მომსახურე პერსონალი აღჭურვილ უნდა იქნეს შესაბამისი დამცავი საშუალებებით.

3. აზბესტის შემცველი მასალების გამოყენება შხეფსაცივრების გამწოვი კომპების შემოსვისათვის აკრძალულია.

4. წყლის, სპილენძის აჯასპით დამუშავებისას მომუშავეებმა უნდა იცოდნენ მისი თვისებები. ისინი უნდა მუშაობდნენ ინდივიდუალური დამცავი საშუალებებით.

თავი VII

ქლორატორული დანადგარების მომსახურება

მუხლი 22. თხევად ქლორთან მუშაობა

თხევად ქლორთან მუშაობის დროს პერსონალმა უნდა იხელმძღვანელოს მოქმედი რეგლამენტებით და შესაბამისი ინსტრუქციებით.

მუხლი 23. მუშაობა ქლორიან კირთან

ქლორიან კირთან მუშაობის დროს პერსონალმა უნდა იხელმძღვანელოს მოქმედი რეგლამენტებით და შესაბამისი ინსტრუქციებით.

მუხლი 24. უსაფრთხოების ზომები მოწყობილობათა ქიმიური გაწმენდის დროს

თბომალური მოწყობილობების ქიმიური გაწმენდის სამუშაოები წარმოებს საწარმოს ტექნიკური ხელმძღვანელის მიერ დამუშავებული სპეციალური ინსტრუქციით.

მუხლი 25. რეაგენტული მეურნეობისა და წყლის ჰიდრაზინული დამუშავების მოწყობილობების მომსახურება

რეაგენტული მეურნეობისა და წყლის ჰიდრაზინული დამუშავების მოწყობილობების მომსახურება უნდა განხორციელდეს მოქმედი რეგლამენტების შესაბამისად.